



# **JABATAN PERKHIDMATAN VETERINAR**

## **LAPORAN PEMANTAUAN MEDIA**

**13 JUN 2024 (KHAMIS)**

## Jangan beli ruminan seludup untuk dibuat ibadah

| MEDIA | RUANGAN | MUKA SURAT | TARIKH |
|-------|---------|------------|--------|
| Kosmo | Negara! | 14         | 13 Jun |

### Jangan beli ruminan seludup untuk dibuat ibadah

**KUALA TERENGGANU** – Jabatan Perkhidmatan Veterinar (JPV) Terengganu menasihatkan umat Islam yang berniat melaksanakan ibadah korban minggu depan tidak tersalah memilih haiwan ruminan seludup kerana dikhuatiri membawa risiko penyakit.

Pengarahnya, Dr. Anun Man berkata, walaupun haiwan seludup lebih murah, risiko mempunyai penyakit zoonotik yang boleh menjangkiti manusia amat

tinggi.

"Kebimbangan ini berasas kerana daripada enam kes rampasan haiwan seludup yang berjaya dilakukan JPV negeri sepanjang tahun ini, dua daripadanya disahkan berpenyakit.

"Haiwan ruminan terbabit didapati positif penyakit *brucellosis*," katanya ketika dihubungi *Kosmo!* semalam.

Jelasnya, *brucellosis* merupakan penyakit zoonotik yang boleh merebak menjangkiti manusia.

Ujar beliau, penyakit disebabkan bakteria berkenaan boleh menyerang saluran penafasan dan sistem pencernaan manusia.

"Sehubungan itu, saya minta orang ramai agar berhati-hati dan tidak membeli sebarang haiwan ruminan seperti lembu dan kambing yang tidak diketahui asal sumbernya.

"JPV mendapati aktiviti penyeludupan haiwan dari negara jiran semakin menjadi-jadi sejak akhir-akhir ini," katanya.

Katanya, sebanyak 30 kes cubaan menyeludup ternakan dari negara jiran berjaya dipatahkan pihaknya sejak tahun lalu.

"Penguatkuasaan tersebut melibatkan rampasan keseluruhan berjumlah RM2.6 juta. Dua kes terbaru ialah di Setiu dan Dungun melibatkan penyeludupan lembu dan kambing.

"Kesemua 400 haiwan yang dirampas dalam dua operasi berkenaan disahkan menghidap penyakit zoonotik," katanya.



DR. ANUN

## Permohonan korban merosot 60 peratus

| MEDIA | RUANGAN | MUKA SURAT | TARIKH |
|-------|---------|------------|--------|
| Kosmo | Negara! | 14         | 13 Jun |



SEBAHAGIAN lembu tempatan yang menunggu tempahan untuk ibadah korban di Kuala Nerus semalam.

### Permohonan korban merosot 60 peratus

**KUALA TERENGGANU** – Bilangan haiwan untuk ibadah korban di Terengganu untuk Aidiladha yang disambut minggu depan dijangka merosot sehingga 60 peratus.

Setakat ini, Jabatan Perkhidmatan Veterinar (JPV) Terengganu hanya menerima 873 permit sembelihan untuk ibadah korban berbanding 2,235 yang dikeluarkan tahun lalu.

Pengarah JPV Terengganu, Dr. Anun Man berkata, permohonan untuk ibadah korban yang dibuka sejak 26 Mei lalu itu membabitkan 2,053 ekor lembu, kerbau, kambing dan biri-biri.

Beliau berkata, sebagai perbandingan, sebanyak 5,181 ekor haiwan ruminan telah disembelih untuk ibadah korban pada musim perayaan Aidiladha sama tahun lalu.

"Begitupun saya menjangkakan permohonan permit sembelihan untuk ibadah korban di negeri ini dijangka meningkat pada saat-saat akhir menjelang Aidiladha pada Isnin depan.

"Pada masa sama, JPV Terengganu turut meluluskan 65 permit pemindahan masuk ternakan ke negeri ini memba-

bitkan 1,759 ekor ruminan," katanya di sini semalam.

Kosmo! pada 1 Jun lalu melaporkan, penternak di Terengganu mengeluh kerana tempahan lembu tempatan untuk ibadah korban tahun ini merosot teruk sehingga 70 peratus.

Seorang penternak, Mohd. Hasrul Helmi Ariffin, 36, mendakwa, ia disebabkan lambakan lembu import dari negara jiran yang terlalu murah.

Dr. Anun berkata, Terengganu mempunyai 10 rumah sembelihan termasuk tiga milik swasta bagi penyembelihan haiwan korban.

Kata beliau, umat Islam di negeri ini juga dibenarkan melakukan ibadah korban di luar rumah sembelihan seperti di masjid dan kediaman.

"Bekalan haiwan ruminan tersedia di Terengganu untuk korban mencukupi iaitu kira-kira 7,000 ekor. Sebanyak 96 peratus daripada ruminan itu merupakan lembu," katanya.

Tambahnya, seramai 106 pegawai teknikal dan 19 pegawai penguat kuasa JPV Terengganu ditugaskan di lokasi sembelihan bagi memastikan ternakan bebas penyakit.

## Empat mati akibat rabies

| MEDIA | RUANGAN | MUKA SURAT | TARIKH |
|-------|---------|------------|--------|
| Kosmo | Negara! | 15         | 13 Jun |



**EMPAT kematian akibat jangkitan rabies direkodkan berlaku di Sarawak setakat tahun ini.** – GAMBAR HIASAN

## Empat mati akibat rabies

**KUCHING** – Empat kematian akibat rabies direkodkan di Sarawak setakat tahun ini, dengan satu kes terbaharu dilaporkan pada 5 Jun lalu.

Pengarah Kesihatan Sarawak, Dr. Veronica Lughah berkata, satu kes mendapat jangkitan melalui gigitan anjing liar, manakala tiga lagi dijangkiti oleh haiwan peliharaan mereka sendiri.

“Tiga kes haiwan peliharaan sendiri melibatkan kucing dan anjing.

“Ada kes melibatkan mengutip kucing liar yang tidak diketahui status kesihatan untuk dipelihara,” katanya.

Menurut Dr. Veronica, haiwan peliharaan itu tidak menerima vaksinasi anti-rabies dan mangsa tidak mendapatkan rawatan atau vaksinasi anti-rabies selepas digigit atau dicakar haiwan.

Tambahnya, kumulatif kes rabies di Sarawak menjadi 79 dengan 72 kematian sejak wabak diisytiharkan pada Julai 2017.

Dalam pada itu, kes gigitan anjing dan kucing di Sarawak masih tinggi.

Katanya, terdapat 56,023 kes gigitan anjing, 47,258 gigitan/cakaran kucing dan 1,577 lain-lain haiwan telah dilaporkan.

## MyQurban memudahkan umat Islam tunai ibadah korban

| MEDIA | RUANGAN | MUKA SURAT | TARIKH |
|-------|---------|------------|--------|
| Kosmo | Niaga!  | 38         | 13 Jun |

# MyQurban memudahkan umat Islam tunai ibadah korban

**PETALING JAYA** – Maybank Islamic Berhad (Maybank Islamic) melancarkan MyQurban, perkhidmatan kewangan digital yang menawarkan kemudahan di hujung jari untuk menunaikan ibadah korban sempena sambutan Aidiladha.

Ketua Pegawai Eksekutif, Maybank Islamic, Datuk Muzaffar Hisham berkata, ia adalah sebahagian daripada komitmen berterusan pihaknya untuk menjadikan perkhidmatan pengurusan kekayaan Islamnya lebih mudah diakses dengan mendigitalkan rangkaian produk patuh syariah hujung ke hujung secara holistik.

Menurut beliau, MyQurban merupakan platform terbaik yang memudahkan tempahan korban, khususnya bagi pelanggan yang mementingkan fleksibiliti masa dan selesa dengan pelaksanaan korban secara dalam talian.

Melalui kerjasama dengan empat pembekal korban iaitu Yayasan Budi Ihsan Malaysia, EZQurban, Aqiqah Centre dan Aqiqah4u, pelanggan mempunyai pilihan untuk menyertai korban di luar Malaysia dengan kos lebih mampu milik.

"Kami sentiasa menginovasikan perkhidmatan untuk memberi pelanggan kelapangan minda agar mereka dapat menyempurnakan kewajipan masing-masing dengan sebaik mungkin,



**PLATFORM MyQurban memberi kemudahan secara digital kepada pelanggan melaksanakan ibadah korban.** – GAMBAR HIASAN

termasuklah ibadah korban.

"Inisiatif MyQurban merupakan salah satu cabang di bawah teras penyucian harta dari sudut perancangan kekayaan Islam.

"Ia juga peringatan buat umat Islam untuk menzahirkan kesyukuran, belas kasihan serta amal jariah, di samping mengeratkan silaturahim," katanya dalam kenyataan yang dikeluarkan di sini semalam.

Muzaffar menerangkan, antara kelebihan platform MyQur-

ban adalah pelanggan dapat menikmati diskaun RM20 bagi setiap pesanan bahagian korban yang dibuat.

Selain itu, Maybank Islamic turut menjadikan ibadah korban tahun ini lebih bermakna melalui inisiatif kempen sadaqah.

"Dengan setiap bahagian korban yang dipesan oleh pelanggan, Maybank Islamic akan memadankan sumbangan tersebut dan seterusnya dana disalurkan kepada Mercy," ujarnya.

# Treatment of farmed livestock in Malaysia under scrutiny

| MEDIA  | RUANGAN | MUKA SURAT | TARIKH |
|--------|---------|------------|--------|
| TheSun | Online  | -          | 12 Jun |

## Treatment of farmed livestock in Malaysia under scrutiny



**PETALING JAYA:** Malaysian animal husbandry practices continue to come under scrutiny for its cruel treatment of farmed livestock, with the Australia-based Voiceless Animal Cruelty Index (VACI) assigning the country an "E" grade.

VACI monitors the animal welfare in 50 countries that were chosen to be among the largest global producers of farmed animal products.

Stray Animal Feeders Malaysia president Kalaivanan Ravichandran backed the VACI rating and said Malaysia's treatment of farmed animals remains poor.

"Malaysia has been in the spotlight for the past few years for our high levels of animal production and consumption, yet legislation to protect farmed animals remains critically inadequate.

"With poor animal welfare, factory-farmed livestock are subjected to overcrowded and inhumane conditions, such as being kept in cramped cages or enclosures.

"They are prevented from moving naturally, while young animals are separated from their mothers shortly after birth. They further undergo painful procedures such as tail docking, dehorning and castration without adequate pain relief."

Kalaivanan said farmed animals are bred to grow unnaturally fast due to optimised feeding regimens and steroid injections, which can cause long-term health issues among consumers.

He said they are transported in overcrowded and stressful conditions, leading to injuries and death, while slaughterhouses often handle animals poorly, causing unnecessary suffering before their death.

The Animal Welfare Act 2015 prescribes fines of RM20,000 to RM100,000 and/or imprisonment of up to three years for cruelty.

The Wildlife Conservation Act 2010 imposes fines of RM5,000 to RM50,000 and/or up to one-year imprisonment for offences against protected wildlife.

Kalaivanan said despite the enactment of these laws, their enforcement remains weak and offers inadequate protection.

"The justice system's reluctance to fully utilise the Animal Welfare Act has led to a rise in animal cruelty cases.

"Perpetrators are commonly prosecuted under the Penal Code, which does not provide stringent enough penalties to deter future crimes against farmed animals."

Kalaivanan added that infrastructure for veterinary services is also poor, leading to frequent disease outbreaks and inadequate health management of farmed animals.

This was confirmed by Agriculture and Food Security Ministry secretary-general Datuk Lokman Hakim Ali, who said Malaysia needs at least 6,000 veterinarians to meet industry demands compared with the current 2,300 veterinarians.

He added that Malaysia needs to achieve a ratio of one veterinarian to 5,000 people who own pets or livestock, compared with one veterinarian to 14,000 people currently.

Kalaivanan said collaborating with the agricultural industry, increasing the number of veterinary doctors and reforming legislation are crucial to implementing humane farming practices.

"It is important that the public understands animal welfare issues. Our cultural perception of animals as commodities rather than living beings impedes efforts to enhance their farming conditions."

"It is important that the public understands animal welfare issues. Our cultural perception of animals as commodities rather than living beings impedes efforts to enhance their farming conditions."

He said in supporting animal rescue organisations through donations and volunteerism, the public can provide crucial assistance in safeguarding the welfare of all animals, including farmed ones.

"It is critical for the public and the country to prioritise the well-being of animals alongside the development of animal husbandry to foster a more humane and ethical society."

He said this is especially so with Malaysia relying heavily on farm animal production to meet the demands of its population.

Agriculture and Food Industry Ministry Veterinary Research Division research officer Rabiatal Adawiyah Zayadi said livestock in Malaysia includes ruminants and non-ruminants.

In her 2021 research, it was revealed that Malaysian smallholders mainly raised ruminant livestock, while commercial enterprises reared non-ruminants on a large scale.

**TERIMA KASIH**

**DISEDIAKAN OLEH:**

**UNIT KOMUNIKASI KORPORAT  
JABATAN PERKHIDMATAN VETERINAR**